

創修渭源縣志

第一冊

渭源縣志

民國十五年夏六月
平涼新隴書社石印

創修渭源縣志序

志渭源既退而歎曰此非大禹過化之地與何清代數百年來志竟闕如也予錄錄復效螾蝮不幾為醬馱覆乎嗟乎渭其奚裨已憶歲辛亥予承乏斯邑訪求掌故幾同杞宋之無徵蓋同治初回變遽起廬舍焚燬版籍不存殆有志而同歸灰燼焉時竊深訝之欲倡舉而未遑也乙丑秋予應張公鼎臣將軍聘纂修家譜既付石印而告歲焉譚及邑志遂捐重貲延

創修渭源縣志

卷首序

一

予領是役嗟乎渭其奚裨已夫史有志端自孟堅其後承祚志三國郡邑志非史比然且兼表傳則猶之乎史也非三長不勝任予無一焉惟是將軍簡蒐之餘數過從商推邑二三君子殫力採訪各示所見俾得據事實以裁義法正錫誤刪繁荒簡間摻姦篋剔苔碑稍補殘缺至疑難之處思之不得鐙昏漏轉輒繞床躑躅或啟門仰望衆星離離鳥鼠南谷諸峯煙雲蒼茫恨不起古人以告我蓋吮毫濡墨自知僭踰

而力固亦已繇矣獨惜箋箋者不足塞將軍責而滿
渭人望使邑有志仍非完本弗克告績於先聖王也
嗟乎渭其奚裨已

中華民國十五年丙寅仲夏月

清即用知縣前任渭源縣知事陳鴻寶謹序

渭源自設縣以來志乘闕如光緒初年兆鉞趨庭聞先王父諭先君曰吾忝為一邑望倡修邑志責也適老病未能實自內疚維時兆鉞年方齠齔雖能記之而未識此事之重也今忽忽踰五旬矣歲乙丑聘請前邑侯陳公成秋纂修家譜事竣商修邑志私幸數百年缺憾成之有日遂留陳公主任捐貲設局以速其成於是吾邑之掌故可徵而先王父之遺憾慰矣至其體例之謹嚴稱述之精當在陳公固優為之獨

是志偏邑僻壤與志通都大邑又有別焉通都大邑佳山佳水眾妙繞環似百千萬名姝抱雲笙月鼓一簇太真者人物之豐茂著述之宏富炳炳琅琅美不勝收故志通都者視其所不取偏邑僻壤疆域狹隘無名山大川足供騷人墨客之游覽吐發秀美又無仕宦顯赫者豐功偉伐焜耀簡冊不過緣璞存真因文見事雖市井販夫里巷窶婦苟有片善甄錄不厭其煩間有名儒碩彥其文章道德尤必條析縷分詳

為網羅以飽父老之志願開後學之津梁故志偏邑者視其所不棄然棄取不得其道弊亦從此生焉曠觀近代方志偏尢瑣屑不知凡幾或以子孫而矜誇其祖父或以姻親而曲徇其私屬或以門徒而標榜其師長譬之器然雜以瓦礫而金玉反掩也今陳公以江右之文人仿董狐之直筆公是公非非親非故必無此弊即吾邑採訪諸君亦必不出此邑人最乎哉自古勝地因人而顯亦因人而重如杜甫之於草

創修涓源縣志

卷首序

四

堂東坡之於西湖一經點綴留名千古吾邑英才輩出從此淬勵精神互相觀摩安知忠孝節義理學將相不蒸蒸日上且駕草堂西湖而上之使異日採風者本嗣宗之瓌姿挾幼與之風節雕奇橐藻鋪張揚厲由慎棄以進於慎取豈不盛哉豈不快哉邑人以北鉅有裨於茲役僉謂宜有言謹謝不敏第恭述先人未竟之志與北鉅此日私心欣幸之由以附於簡端云爾

中華民國十五年仲夏月
厚威將軍隴東鎮守使邑人張兆鉞謹序

創修渭源縣志

卷首序

五

創修渭源縣志

修志姓氏

纂輯

清即用知縣前任渭源縣知事陳鴻寶

江西泰和縣

叅訂

清宣統己酉

科拔貢周文炳

邑人

清歲貢生隴東鎮署總務處處長姚桑甲

邑人

叅訂兼採訪

創修渭源縣志

卷首姓氏

一

清孝廉方正前署海原縣知事楊景熙

邑人

採訪

清

歲

貢

生龐煥昀

以下均邑人

清

歲

貢

生姚震甲

清

歲

貢

生梁廷傑

清

歲

貢

生武煜坤

清

廩

生何麟洲

甘肅甲種農業學校畢業

陸乘駿

清者 賓 徐立朝

清典 吏 楊際春

甘肅師範學校畢業 楊鴻烈

陸軍大學校畢業 蔡兆祥

清文 生 周文明

膳錄

清生員隴東鎮署書記趙任俊

校對

創修渭源縣志

卷首姓氏

隴東鎮署軍需處處長盧步霄

繪圖

清文 生 曾衍道 陝西長安縣

創修渭源縣志

目錄

卷首

諸序 修志姓氏 凡例 圖考

卷一

天文志 諸圖說 時刻表 經緯度 占驗
氣候

卷二

輿地志 沿革表 疆域 形勝 關梁
風俗方言 物產 古蹟

創修渭源縣志

卷首 目錄

三

卷三

建置志 城池 公署 賦稅戶口 倉儲 驛遞
實業

卷四

祠祀志 壇廟 典禮附 寺觀

卷五

學校志 學額 校址 選舉仕官附
田

卷六

武備志 兵燹附

卷七

職官志 名官附

卷八

人物志 逸民 鄉賢 忠義 孝友 文學
行誼 列女

卷九

藝文志 金石附

卷十

雜錄 仙道方伎 渭僑 祥異

創修渭源縣志

卷首目錄

四

卷七

卷七

創修渭源縣志

凡例

一志以紀事惟求實錄第令後世文獻足徵無貽以文勝質之謂足矣烏庸繪章飾句以誇多聞靡為渭源向無縣志此日倡修全憑採訪至其中容有未完備之處邑人士自能知之秉筆者無能為力也茲訂為十卷目三十條附以雜錄庶便於披覽

一同治初年疊遭兵燹縣署素卷盡付一炬故所纂

創修渭源縣志

卷首 凡例

五

錄同治以後事居多其前者信則存之疑則闕之雖殫力蒐討終不免罅漏

一每分一卷必有一義非泛設也故於每卷之首各以數語揭其體要而隱括其條理且謬為勸勉之詞亦誦箴誦詩之意云爾

一地域山水須一一考核並詳方位里數務冀一目了然

一歷代建置等項雖疊經變更凡有可改者亦莫不

註明以存前人之迹

一現任職官現在人物止登姓氏里爵雖有功德才能例不得書其章程文辭有裨於民者亦間錄一二以垂久遠

一貧家節孝無力表揚者稔訪不厭其多然必其人已故乃可入志若尚存者俟諸後日但已旌表者不在此例

一入志詩文須切涓地涓事有關風化者如舉泛然

創修涓源縣志

卷首凡例

六

之作雜列其中便是選詩選文非修志矣故諸賢佳製如林僅登一二若事不相涉雖有錦繡不便謬借吉光也

一分門別類悉遵通志但繁簡不同耳經始於民國乙丑孟冬告成於丙寅仲夏凡八閱月規模粗具俟來哲加正焉

創修渭源縣志

圖考


與地之要在圖圖與志相為表裏近代方志多詳志而畧圖既圖矣又或逐於景物而工其摹繪胥無當也今以開方為經緯疆域山川城郭鄉鎮皆攷驗精審辨方位識道里俾覽者如列眉指掌惟八景畧繪景物以別之敬哉有土中畫郊圻修廢舉墜用資考鏡顧不重與作圖考


創修渭源縣志

卷首圖考

七

渭源縣境經緯圖 每方十里





天文志

天包地地未有不隸乎天者固不以廣狹異也史遷作天官書後世法焉然子產有言天道遠人道邇揆管窺以強合適成穿鑿耳渭源蕞爾區其與於天幾何而不可謂非天也謹集衆說繪之以圖附以占驗氣候見天之無所不照人其弗自外哉

志天文第一

星野說

天球西轉地球東移既以子午定天頂即以卯酉分

創修渭源縣志

卷一天文志

星野說

一

地平環而北極出地南極入地所可見者祇此半周天大抵恒星與二十八宿未嘗有度因天道冲漠曆家難於推測惟以二十八宿為體而隸度於其上以星宿距離之數相繫用紀日躔焉斗井不當日躔故其度數寬窄鬼適當日躔故其度數窄若欲以天球之定位合地球之定位要以赤道為主蓋赤道乃天體正中界限也其在赤道南北二三度外度數漸狹里數應漸減直至南北九十度樞紐處始無經度



里數是則西人所謂橢圓耳總之用四率以求真數
 用三角以求中星然後就城中為準而南減北加西
 減東加以知方里度分之所在舉凡節氣之早遲星
 辰之隱現朦影之多少晝夜之永短交食之後先皆
 可預測而得其大概

節錄通志

謹案右云用四率以求真數用三角以求中星二
 語總不外割圓八線勾股算法者近是試先將五
 同式勾股形列於左以明其理既明此理則一切

創修渭源縣志

卷一天文志

案語

二

算法俱在其中

此正弧三角形而為正角



甲角半徑為股正切為勾正割為弦 ①

半徑為弦正弦為勾餘弦為股 ②

甲乙正切為弦甲丙正切為股 ③

甲乙正弦為弦乙丙正弦為勾 ④

甲丙正弦為股乙丙正切為勾 ⑤

凡黃赤交角必為二十三度三十分即甲角識別得